



Le reste de la lettre manque; en marge: Cum Reverentia Vestra notos habeat et Coloniae et Antver[piæ]... et in Gallia, rogo demisse R. V. dignetur iis in locis..... supe opusculo Antonii Mizaldi quod inscri[bitur] Ephemerides Rusticae, et illud emptum (.....rabit pretium) ad me dirigere. Meditor aliquid..... Curavi mihi olim adhuc Luxemburgi ad ferri al....

fol. 86: *Première lettre de Georges Gailer.*

Reverende in Christo pater.

Pax Christi.

Illustrissimus dominus comes Nicolaus Draskovich senior misit ad me librum ipsum in quem olim Nicolaus Istwanffig, avunculus suus, varias congesserat antiquitates variis in locis repertas. Tradidi hodie librum illum studioso cuidam qui excerpset et in chartam coniiciet, quicquid romanarum inscriptionum in eo libro continetur. Sunt in eodem manuscripto libro multa alia de rebus et personis regni Hungariae, scitu non indigna; sed ad Reverentiae Vestrae propositum parum servientia. Idem dominus mihi ante triennium ostendit ipsammet ab Isthwaffio manu propria scriptam rerum Hungaricalium historiam postea typis excusam. Studiosus qui epigraphas describit, properat ut eas cras mane absolvat; si absolverit, claudam illas cera et relinquam hic pro sequenti posta, ut eas ad R. V. expediat pater Mernyauchich. Ego autem cras cum domino Vuchichjagich, Crisiensi parcho qui pro me venit, pergam Crisium et inde Crasman. ubi per aliquot dies rudem illum populum Deo favente excolam et dirigam in via spirituali.

Rogat Illustrissimus dominus Draskovich, ut R. V. procuret ipsi unum exemplar librorum quos edidit vel adhuc edet pater ille in Belgio cui R. V. antiquitates conquirat. Scribat oro R. V. saepius, si quid in partibus vestris occurrit dignum calamo. Originales R. V. litteras ad me dandas transmittam illustrissimo domino Draskovich qui valde delectatur talibus, qualia R. V. nuper scripserat, cuius originales ad dominum expederam.....

Le reste manque.

fol. 85: *Seconde lettre du R. P. G. Gailer.*

Reverende in Christo pater.

Pax Christi.

Ante octiduum misi R. V. mediam fere inscriptionum antiquarum partem ex manuscripto illustrissimi domini comitis Draskovich libro desumptam; iam residuam exhibeo. Transumpta (*sic*) sunt omnia de versu ad versum, de litera ad literam et de puncto ad punctum, imo de errore ad errorem, sicut in manuscripto reperi. Credibile autem est, etiam in